

Узум сайли ва халқаро виночилик фестивали доирасида вилоятда агротуризмни ривожлантириш йўналишларида амалга оширилаётган ишлар кўлами ҳам алоҳида эътироф этилди



ЙўЛЛАРИМИЗ СОЗ-БЎЛСА, ЮЗИМИЗ ЁРУҒ БЎЛАДИ

Бугунги кунда вилоятимизда жами 22 минг километрдан зиёд автомобиль йўллари тармоғи мавжуд бўлиб, шундан умумий фойдаланишдаги автомобиль йўллари салкам 3 ярим минг километрни, ички хўжалик йўллари, шаҳарлар ва қишлоқ аҳоли пунктлари кўчалари 18 минг 548 километрни ташкил этади.

Жорий йилда, тегишли дастурлар доирасида жами 2 минг 436 километр узунликдаги йўллар таъмирланиши ва 23 та кўприк қайта қурилиши белгиланган бўлиб, ўтган саккиз ой мобай-

нида 734 миллиард сўмлик ишлар амалга оширилди, 2311 километр узунликдаги йўллар таъмирланиб, 11 та кўприкни қайта қуриш ҳамда 1 та ер ости тоннелини барпо этиш ишлари якунланди.



Шу билан бирга 46 та мактаб, 42 та ҚВП, 18 та қабристонга олиб борувчи йўллар ҳам обод қилинди. 4 та кўприк ва 1 та ер ости ўтиш тоннелида ишлар якунига етказилди. Бундан ташқари, Шаҳрисабз туманидаги туризм объектларига олиб борувчи 48 км. узунликдаги йўлларда 32 миллиард сўмлик қурилиш-таъмирлаш ишлари олиб борилди. Тўла таъмирлаш ишлари бўйича 4 та объектда 6,4 млрд. сўмлик ишлар бажарилди. Умумфойдаланувдаги автомобиль йўлларини жорий таъмирлаш ва сақлаш бўйича 98,1 млрд. сўмлик ишлар бажарилиб, 210 км.дан ортиқ йўлларнинг ҳолати яхшиланди, ўтказувчанлик қобилияти оширилди. Йўлларнинг ҳолати яхшиланиб, аҳолига муносиб шарт-шароит яратилди.



Салкам 40 километрлик ички хўжалик йўллари асфальт қилинди, 72 километрдан ортиқ узунликдаги йўллар шағаллаштирилиб, таъмирланди. Шунингдек, маҳаллий ҳокимликлар ва тегишли идоралар билан ҳамкорликда энг оғир ҳудудлардаги 305 километр узунликдаги тупроқ йўллар шағаллаштирилди. Қолаверса, “Опен бюджет” дастури бўйича 154 километр узунликдаги йўл-

ларни таъмирлаш учун 85,7 млрд. сўм маблағ ажратилган бўлиб, ҳозирда 135 километр қисмига асфальтобетон қоришмаси ётқизилди.

Ўзбекистон Республикаси Вазирлар Маҳкамасининг 2023 йил 14 апрелдаги 34-сонли йиғилиш баёнига асосан, 2 та Янги Ўзбекистон массивлари ички йўлларини қуриш ишларига 12,6 млрд. сўм маблағ ажратилиб, шундан Косон туманидаги “Дустилик” МФЙ ҳудудидаги 9,7 км. узунликдаги йўлларни қуриш ишларига биринчи босқичда 3 млрд. сўм, Якка-боғ тумани “Айгирул” МФЙ ҳудудидаги 6 км. йўлларни қуриш ишларига биринчи босқичда 9,6 млрд. сўм маблағ ажратилди. Ҳозирда электрон тендер савдолари орқали пулратчи корхоналар аниқланиб, 2 та массивда ҳам йўлларни қуриш ишлари бошлаб юборилди.

Сирасини айтганда, йўлларимиз соз бўлса, юзимиз ёруғ бўлади. Шунинг учун ҳам йўлсозларимиз халқимизга қулай шароит яратиш, автомобиль йўлларида кечаю-кундуз хавфсиз ҳаракатланишни таъминлаш мақсадига бор куч ва имкониятларини ишга солмоқда. Тезро, халқни рози қилиш, уларга муносиб турмуш шароити яратиш, замонавий инфраструктураларни барпо этиш инсон қадрини таъминлаш мақсадида бор куч ва имкониятларини ишга солмоқда. Тезро, халқни рози қилиш, уларга муносиб турмуш шароити яратиш, замонавий инфраструктураларни барпо этиш инсон қадрини таъминлаш мақсадида бор куч ва имкониятларини ишга солмоқда.

Фарҳод ТОҶИБОВЕВ,
Қашқадарё минтақавий йўлларга буюртмачи хизмати давлат унитар корхонаси директори.

АВТОУЛОВЛАРДА КЕЛИБ ЧИҚАЁТГАН ЁНГИНЛАРНИНГ АСОСИЙ САБАБИ НИМАДИ?

Жорий йилнинг 14 июни кунини Сергели тумани Обиҳаёт кўчаси 3 уйда жойлашган “AYSELINSHAAT” МЧЖ худудида турган юк автоуловларида ёнгини содир бўлади.

Ёнгини содир бўлган жойига Сергели тумани 9-ЁҚҚдан 2 та, 10-ЁҚҚдан 1 та жангавор бўлинмалар юборилади ва автоуловлардаги ёнгини тезкорлик билан бартараф этилади.

Айтиш жоизки, туманда жорий йилнинг шу кунига қадар 7 маротаба ҳар хил турдаги автоуловларда ёнгини содир бўлган. Ёнгининг асосий сабаби, носоз электр симларидан фойдаланишдир.

Фуқароларимиздан автоуловларини доимо автосервис назоратидан ўтказиб туришини, муддати ўтган эҳтиёт қисмларини ўз вақтида алмаштиришини, автоуловларига ўзбошимчилик билан ҳар хил турдаги электр жиҳозлари ўрнатмасликларини ва автоуловларини доимо бирламчи ёнгини ўчириш жиҳозлари билан таъминлашларини сўраймиз.

Ж. ХАЙРУЛЛАЕВ,
Сергели тумани ФВБ П ва НБ ката инспектори, капитан.

ТОШКЕНТ ВИЛОЯТИ

Жараён

ХАЛҚАРО УЗУМ САЙЛИ ВА ВИНОЧИЛИК ФЕСТИВАЛИ ҚАНДАЙ ЎТДИ?

Республикаимизда илк маротаба ўтказилган мазкур тадбирга ўттиздан ортиқ хорижий давлатлардан юздан зиёд меҳмонлар ташриф буюрдилар

Таъкидлаш керакки, ушбу халқаро тадбир давлатимиз раҳбарининг жорий йил 3 августдаги “2023-2026 йилларда узумчилик ва виночилик соҳасини янада ривожлантиришга қаратилган чора-тадбирлар тўғрисида”ги қарори асосида ташкил этилди.

Уни ўтказишдан асосий мақсад, мамлакатимизнинг туризм салоҳиятини намоиш этиш, миллий маҳсулотларимиз брендининг жаҳон бозорида ўз муносиб ўрнига эга бўлишини таъминлаш, қадимий виночилик ва узумчилик тажрибаси ҳамда боғдорчилик маҳсулотларининг ноёб тур ва навларини кенг оммалаштиришдан иборат эди. Икки кун давом этган тадбир доирасида айтиш мумкинки, қўрилган натижаларга тўлиқ эришилди. Фестивал доирасида узумчиликни ривожлантириш мавзусида илмий-амалий конференциялар, Ўзбекистон Қаҳрамони Тоғжой Ризаев ҳақидаги “Туғанмас хазина” ҳужжатли филмининг премьераси, фольклор жамоалари ва эстрада санъаткорларининг чиқишлари ҳамда халқ урф-одатлари ва анъаналарини акс эттирувчи маданий дастурлар, винолар дегустацияси ва аукционлар ўтказилди. Номинациялар бўйича республика кўрик танловлари, ҳунармандчилик маҳсулотлари, миллий таомлар ва либослар кўргазмалари ва бошқа маданий тадбирлар шулар жумласидандир. Халқаро тадбирда хорижий давлатларнинг мамлакатимиздаги элчихоналари, нуфузли халқаро ташкилотларнинг вакиллари – Италия виночилик уюшмаси раҳбари Леонардо Коммуни, Сербия республикасининг узумчилик йўналиши бўйича таниқли тадбиркори Саша Джониқ, Россия Федерациясининг Қалмиқ давлат университети ректори ўринбосари Баатр Очировларнинг маърузалари тингланди. Шунингдек, Корея, Сингапур, Беларусия, Грузия ва Озарбайжон каби ўттиздан ортиқ давлатларнинг виночилик соҳасида йирик ва етакчи ҳисобланган компаниялари вакиллари ташриф буюрди. Жараёнда республика-



мизнинг барча вилоятларидан фермер хўжаликлари, вино заводлари, табиий ичимликлар, шарбатлар ва шарбат концентратлари ишлаб чиқариш корхоналари ўз маҳсулотлари билан иштирок этдилар.

Илмий, амалий конференцияларда узум етиштириш ва сақлашнинг инновацион технологиялари, “In vitro” шароитида узумнинг пайванта ва пайвантагларини кўпайтириш агротехнологияси, узумнинг шароббоб навларини танлаш ва етиштириш тавсиялари, шунингдек, туризм салоҳиятидан фойдаланиш бўйича халқаро тажриба, узумчиликда стандартлаш ва сертификатлашни жорий этиш, ток

тупларининг яшил қисмлари билан боғлиқ ишлар борасида ҳам бир қатор маърузалар тингланди. Фестивалнинг бизнес зонасида тақдиротлар, музокаралар ўтказилди. Шартномалар ва келишувлар учун қулай шароитлар яратилди.

Халқаро тадбирнинг айнан Паркент туманининг Заркент қишлоғида ташкил этилишида ҳам ўзига хос маъно бор. Ҳудуддаги собиқ хўжаликда узоқ йиллар жамоага раҳбарлик қилган Тоғжой ота Ризаев сув чиқармайдиган, тақир, лалми ерларда боғлар барпо этиб, узумчиликнинг катта мактабини яратган эди. Бу хизматлари учун унга Ўзбекистон Қаҳрамони унвони берилган. Амалга оширилган ишлар хусусида фестивал қатнашчиси, бугун 91 ёшни қаршилаётган Умар ота Йўлдошев шундай ҳикоя қилади: собиқ хўжаликда 65 йил бош ҳосилот бўлиб ишладим. Ерларимиз нотекис ва лалми бўлганлиги боис, илгирлари фақат бўғдой экилар, ҳосилдорлик асосан ёмғир билан боғлиқ эди. Узумчилик йўлга қўйилгач, маҳсулотни қайта ишлаш корхонаси ҳам қурилиб, фойдаланишга топширилди. Эндиликда ҳудудда юзлаб тажрибали фермерлар бор. Ҳар бир хонадонда тонналаб узумни сақлайдиган музхоналар қурилган. Энг муҳими, аҳолимиз тўлиқ иш билан банд.

Дарвоқе, Заркентда яратил-



ган узумчилик тажрибаси бугун Тошкент воҳасида кенг оммалашмоқда. Бугунги кунда вилоятда 15 минг гектардан зиёд узумзорлар мавжуд. Ўтган йили бу боғлардан 103 минг тонна ҳосил олинган бўлса, жорий йилда ушбу кўрсаткичи 115 минг тоннага етказиш кўзда тутилган. 2024-2025 йилларда яна 20 минг гектар янги узумзор-

лар ташкил этиш бўйича тизимли ишлар амалга оширилмоқда. Истиқболда вилоятда барча тоифадаги узумзорлар майдони 38 минг гектарга кенгайди. Тоҳирдорлик уч баробарга ортиб, ялпи ҳосил 500 минг тоннага етказилади. Унинг 270 минг тоннаси хорижий давлатларга экспорт қилинади. Энг муҳими, 100 минг аҳолининг доимий бандлиги таъминланади. Бу борада ҳозирнинг ўзидаёқ амалий ишлар бошланган бўлиб, қатор туманларда ўнлаб фермер хўжаликлари далаларида экспортбоб узумлар етиштириш йўлга қўйилган. Маҳсулотни сақлаш ва қайта ишлаш соҳасида ҳам бир қатор ибратли мисоллар бор.

Узум сайли ва халқаро виночилик фестивали доирасида вилоятда агротуризмни ривожлантириш йўналишларида амалга оширилаётган ишлар кўлами ҳам алоҳида эътироф этилди. Ташкил этилган ўнлаб номинациялар бўйича голиблар қимматбаҳо совғалар билан тақдирланди.

Иброҳим ТОШЕВ,
“Qishloq hayoti” мухбири.



Ўзбекистон Республикаси Вазирлар Маҳкамасининг қарори билан ФВВнинг Давлат ёнгини назорати органларида объектларда бир йилда кўпи билан бир мартадан текширув ўтказиш ваколати берилди. Шунингдек, 50 нафардан кўп одам тўпланадиган объектларда ҳар чорақда камида бир маротаба мониторинг ва профилактика тадбирлари ўтказилади.

ФВВНИНГ ДАВЛАТ ЁНГИН НАЗОРАТИ ОРГАНЛАРИГА ҚЎШИМЧА ВАКОЛАТЛАР БЕРИЛДИ

Жорий йилнинг 4 август кунини Ўзбекистон Республикаси Вазирлар Маҳкамасининг “Ёнгинлар профилактикаси самарадорлигини ошириш ва ёнгини хавфсизлиги соҳасида давлат назоратини такомиллаштириш чора-тадбирлари тўғрисида”ги қарори қабул қилинди. Унга кўра, 2023 йил 1 сентябрдан мунтазам равишда “Ёнгиндан огоҳлик” умуммиллий кампанияси амалга оширилади. Таълим ташкилотларида ёнгинларнинг олдини олиш ва ёнгини содир бўлган вазиятда ҳаракат қилиш бўйича батафсил услубий машғулотлар ўтказилади, иш жойларида, зеро жой комплексларида ўт ўчириш бўйича амалий машғулотлар ўтказилади.

2024 йилдан умуммиллий кампания доирасида ҳар бир ҳудудда тадбиркорлар ўртасида “Ёнгин хавфсизлиги аълочиси” танлови ўтказилади. Мазкур танлов голибига 100 миллион сўм миқдорида бир марталик пул мукофоти берилади ҳамда унинг фаолияти 2 йил давомида давлат ёнгини назорати органлари томонидан текширилмайди. Шунингдек, 2024 йил 1 январдан жисмоний ва юридик шахсларга тегишли бино ва иншоотларнинг ёнгини хавфсизлиги талабларига мувофиқлигини мустақил баҳолаш тартиби (ёнгин аудити) жорий этилади.

Жорий йилнинг биринчи ноябрдан давлат ёнгини

назорати органларининг ижобий ҳулосасини олмастан, қишлоқ хўжалигига мўлжалланмаган ер участкаларини аукционга чиқариш, қурилиш объектлари лойиҳа-смета ҳужжатларини келишиш ҳамда қурилиш-монтаж ишлари тугалланган объектлардан фойдаланиш учун рухсатнома бериш тақиқланади. Бунда давлат ёнгини назорати органлари томонидан ҳулоса бериш муддати 7 кун этиб белгиланади.

2024 йил 1 январдан бозорлар ва савдо комплексларига тегишли бино ва иншоотларнинг ёнгини ҳамда бошқа хатарлардан, шунингдек, тадбиркорлик субъектларининг мулкнинг ёнгини ва табиий офат оқибатида етказилмаган зарардан ҳимоя қилиш мақсадида, бозорлар ва савдо комплексларига тегишли бино ва иншоотлар мулкдорларининг жавобгарлигини мажбурий суғурталаш тартиби жорий этилади.

Шунингдек, 2023 йил 1 ноябрда текширувлар жараёнларини тўлиқ рақамлаштириш ва тезкор ахборот алмашинувини йўлга қўйиш ҳисобидан давлат ёнгини назорати инспекторларининг фаолиятини такомиллаштириш имконини берувчи “E-inspektor” аппарат-дастурий мажмуаси жорий этилади.

Жавлон АХМАТОВ,
Тошкент тумани ФВБ бошлиғи ўринбосари, подполковник.

ФАРҒОНА ВИЛОЯТИ

ГИДРОУЗЕЛ БЕТАЛАФОТ ИШЛАШИ КЕРАК

“Сўх-Оқтепа” ИТБга қарашли Қўқон гидроузелининг хавфсизлигини таъминлаш, техник ҳолати ва иншоотдаги муаммоларни бартараф этиш масаласига бағишланган йиғилиш бўлиб ўтди.

И Т Б бошлиғи Илҳомжон Хошимов семинарда ана шу масалаларни сўзга чиқиб, Президентимизнинг жорий йил 20 июндаги “Маъмурий солоҳатлар доирасида сув хўжалиги соҳасида давлат бошқарувини самарали ташкил қилиш чора-тадбирлари тўғрисида”ги фармони мазмун-моҳиятини тушунтирди.

“Сувхўжаликназорат” инспекцияси Фарғона вилояти бошқармаси бошлиғи Дилшоджон Ҳайитов ҳам сўз олиб, бундай тадбирларда гидроинженерлик ва техник ҳолати атрофли муҳокама қилиниши зарурлигига эътибор қаратди. Бундан буён ўта муҳим сув хўжалиги объектларининг хавфсизлиги ва ишончли ишлашини “Сувхўжаликназорат” инспекцияси назорат қилади, деди у ўз сўзида. Бош мутахассис Анваржон Ғаниев эса “Гидротехник ишотларнинг хавфсизлиги тўғрисида”ги Қонуннинг мазмун-моҳиятига тўхталди. Ўзга мувофиқ ҳамда Ўзбекистон Республикасининг Маъмурий жавобгарлик тўғрисидаги кодексининг 76-моддаси асосида Сув хўжалиги объектлари ва

қурилмаларини шикастлантириш, улардан фойдаланиш қоидаларини бузиш, шунингдек, гидроинженерлик ишотларининг хавфсизлиги тўғрисидаги қонунчиликни бузиш ҳолатлари кузатилганда турли миқдорда жарима солиш белгиланди.

– Ҳар бир ходимга гидроинженерлик ишотлардан самарали фойдаланиш ва сақлаш билан боғлиқ ишлар тўғрисида, иншоотдан ўтаётган сувнинг ҳисоб-китобини тўғри олиб бориш, гидропостларни қониқарли ҳолда сақлаш, таъминотчи ва ишончли ўртасидаги сув олди-бердиларида камчиликларга йўл қўймаслик тўғрисида тушунтириш ишлари олиб борилди, – дейди ирригация тизимида узоқ йил ишлаган тажрибали ходим Фазлиддин Назаров. – Бугунги кунда ушбу иншоот устидан оғир юк ташувчи автосамосвал машиналарининг қатнови тўхта-тилмаганлиги ҳам ачинарлидир. Бундан буёғига бундай автоуловлар зудлик билан тўхтатилмаса, келгусида иншоотга шикаст етиши мумкинлиги тушунтирилди.

Ҳамиджон БУРҲОНОВ,
Сирдарё-Сўх ИТХБ матбуот қотиби.

